

ЖАЖИСТ

ПРЕПОДОБНОМУ

ЖУРЕНТИНУ

ЧЕРНИГОДСКОМУ

УДОТТОРЦУ

## Кондак 1

Избранный угодниче Божий, преподобне отче Лаврентие, приемый благословение от Божия Матери и пришедый во святыи град Чернигов, еже вселитися в обитель Пресвятыя Троицы, идеже изыде на тя Дух Святыи: изгнание претерпевый и множество словесных овец себе собравый, пищею слова Божия их напитавый и ко Христу приведый: яко имея дерзновение ко Святей Троице, не преставай моляся избавити нас от всяких бед и скорбей, да со умилением зовем ти: Радуйся, преподобне отче наш Лаврентие, скорый помощниче и молитвенниче к тебе притекающих.

## Икос 1

Ангела дивна стране Черниговстей яви тя Господь, всея твари Содетель, яко показа Духа Святаго в тя всельшагося, даром прозрения и исцеления обогати тя. Мы же, зряще тя, сосуде избранныи Пресвятыя Богородицы, благодаряще Бога, прославляем тя, яко светильника и молитвенника нашего, и прилежно зовем ти сицевая: Радуйся, пречудный избранниче Божия Матере; Радуйся, сосуде благодати преизрядный. Радуйся, преподобных и святителей похвало и собеседниче. Радуйся, преподобному старцу Серафиму поревновавый. Радуйся, и по смерти с преподобными вселившийся. Радуйся, яко тобою помыслы нечистыя обличаются. Радуйся, яко дела благая и полезная тобою благословляются. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 2

Видяще исполнение божественнаго о людех смотраения Отца Небеснаго, избравшаго от народа мужей праведных ко спасительному служению, ради нашего поддержания духовнаго, и Божественным даром прозрения тя наградившаго, вопием Богу в Троице: Аллилуиа.

## Икос 2

Разум Божественный вразуми тя, отче Лаврентие, егда отрелся еси от жизни временныя и притекл к жизни вечней, от юности Христа прославляя всем сердцем твоим и Тому Единому паче всех работая; притекл еси в Рычловский монастырь, тамо подвизаяся в пении и чтении. Мы же, видяще в тебе сосуд Духа Святаго, со умилением зовем ти сице: Радуйся, яко от юности пламенне житие монашеское возлюбил еси; Радуйся, яко от мира сего отрелся еси. Радуйся, старость матери упокоивый; Радуйся, по смерти тоя в обители Святителя Николая вселившийся. Радуйся, яко в меньших братии тамо послуживый. Радуйся, яко в пении Бога в Троице прославивый. Радуйся, яко тем Пресвятей Богородице угодивый. Радуйся, разумом Божественным людей удививый. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 3

Єгда услыша о тебе, отче Лаврентие, архиепископ Антоний, повеле прибыти во град Чернигов, в монастырь Пресвятыя Троицы; ты же, внемля его прошению, усилил молитвы. Тогда Сама Царица Небесная благослови тя. Мы же грешнии, дивящися сему чудеси, зовем ко Господу: Аллилуна.

## Икос 3

Пришел еси во святую обитель Пресвятыя Троицы и, узрев образ Богоматери Троице-Ильинския, поклонился ему, яко уведe в нем Явльшуюся тебе и Повелевшую идти в дом Єя Сына и тамо прославити Єго. Тогда преклонився пред Нею, просил еси у Нея благословения и покрова. Мы же, видяще твое предание воле Божией, вопием таковая: Радуйся, яко послушание велие Божией Матери явил еси; Радуйся, яко избра тя служити Єй во граде Чернигове. Радуйся, дивным пением Єя прославивый; Радуйся, всего себе руководству Тоя предавый. Радуйся, и до конца жизни твоей Єй добре послуживый; Радуйся, в чистоте девство твое сохранивый; Радуйся, сердцем и устами Єя прославивый; Радуйся, образ смирения нам оставивый. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 4

Звезда лучезарная, озарившая путь тебе, привеле тя во святыи град Иерусалим, да поклонишия Гробу Господню и прославиши Бога, терпевшаго страдания за грехи наша, поюще Ему: Аллилуна.

## Икос 4

Видя благодать и дар Святаго Духа в тебе, возлюбиша ты братия святыя обители Черниговския и избраша яко искуснаго руководителя и жизнью Богу угождающа. Мы же, благодаряще тя, вопием тебе: Радуйся, Роману сладкопевцу уподобивыйся. Радуйся, яко с ним в Сионе Горнем песнь Богу воспеваеши. Радуйся, Царя Славы прославивый; Радуйся, на путь спасения нас наставивый. Радуйся, яко со Ангелы славу Єго воспеваеши; Радуйся, пением своим небо и землю соединивый. Радуйся, всех достойно Бога славящих в бедах не оставляеши; Радуйся, яко за них пред Господем и Богородицею ходатайствуеши. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 5

Время наста, егда поправа бысть святыня, ты же яко пастырь добрый, душу свою за овцы положить готовый, не оставил еси града Чернигова и обители Троице-Ильинския, но молитвами святых, под покровом Божией Матери в горах Болдиных вселился еси, да тамо хвалебную песнь воспеваеши Богу в Троице единому славимому: Аллилуна.

## Икос 5

Прииде час и сбѣдется реченное тобою: обновися Дом Святыя Троицы, в нем же собращася вся чада твоя дѹховная. Ты же в дом Дѹха Святаго вшел еси, боголепно его украсив, и мудро стадом словесных овец до кончины твоея рѹководил еси, имя Божие призывати в радостех и печалех всех поучая, и многим святым в трудех твоих поревновал еси. Возвращение мощей Святителя Феодосия провидев, место славно ему уготовил. Мы же, хваляще Бога, давшего тебе дѹх прозрения и разум мѹдрый, воспеваеть песнь таковою: Радѹйся, уставов церковных строгий блюстителю. Радѹйся, обители многоопытнѹю рѹководителю; Радѹйся, рачителю благолепия церковнаго; Радѹйся, Православия столпе непоколебимый. Радѹйся, яко мощи блаженнаго Филарета нетленными почитал еси; Радѹйся, пришествие Святителя Феодосия песнями прославивый. Радѹйся, пред взором нашим седмь небес начертавый; Радѹйся, яко и по смерти на небесах в райских обителях вселивыйся. Радѹйся, преподобне отче наш Лаврентие, скорый помощниче и молитвенниче к тебе притекающих.

## Кондак 6

Бѹрю многих бед и скорбей житейских претерпевая, помогал еси всем к тебе приходящим; тако и по смерти не оставил еси нас грешных, заповедав нам призывати тя в скорбех и печалех. Уповая на молитвеннѹю помощь твою пред Господем, вопием ѿмѹ: Аллилуиа.

## Икос 6

Провидев кончину свою скорѹю, отче Лаврентие, предрекл еси ю трикратно. Мы же молим тя, да не оставиши нас грешных по отшествии своем, но с нами пребѹдеши во вся дни, во еже с радостию ублажати тя: Радѹйся, кончину свою предѹведевый; Радѹйся, о ней же многим возвестивый. Радѹйся, яко вечныя жизни сподобивыйся. Радѹйся, безболезненным исходом дѹшу свою Богѹ предавый. Радѹйся, яко и бесы в той час вострепеташа; Радѹйся, сладость небеснѹю на земли вкусивый. Радѹйся, яко на небеси тою наслаждаешися; Радѹйся, яко мощи твоя нетленныя нам оставил еси. Радѹйся, преподобне отче наш Лаврентие, скорый помощниче и молитвенниче к тебе притекающих.

## Кондак 7

Пение и рыдание надгробное чада твоя дѹховная приношахѹ ти ѹ гроба, отче Лаврентие, егда преставился еси ко Господѹ дѹшею: нас же не оставил еси телом нетленным, праведнии бо и по смерти живы бѹдѹт, поя Богѹ: Аллилуиа.

## Икос 7

Четыредесят дний не смолкаше рыдание и пение у гроба твоего, блаженне Лаврентие; ты во четыредесят дний ожидал еси, егда чада твоя уготовят ти место погребения. Пребывая с нами телом во храме, душею же молился еси за ны грешныя пред Господом. Сим пребыванием чудо велие явил еси: нетленные бо мощи твоя, благовония исполненнии, показуют святость твою. Дивящися сему чудеси, восхваляем тя тако: Радуйся, благодать Божию стяжавый; Радуйся, лозо винограда Христова. Радуйся, четыредесятидневным стоянием телесе твоего нас утешивый; Радуйся, яко множество чудес сотворивый. Радуйся, благоуханием от гроба твоего всю обитель наполнивый; Радуйся, яко по окончании четыредесяти дний тело твое с честью в гробницу положиши. Радуйся, яко и до ныне нетленно Богом сохраниши; Радуйся, яко и по смерти нас не оставивый. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 8

Проповедником истины Христовой явился еси, отче Лаврентие: непрестанным служением Богу и ближним пророком древним уподобился еси. Службы Божия в храме совершая, в молитве келейной неустанно подвизался еси. Тем же и по преставлении твоём хвалебную песнь о тебе воспевает Богу: Аллилуиа.

## Икос 8

Просвети землю Российскую лучезарным светом великим преподобный Серафим Саровский чудотворец. По нем лучи трисолнечнаго сияния изыдоша от праведнаго Иоанна, чудотворца Кронштадтскаго. Ты же, святе Лаврентие, новый светильник по сих явился еси, просвещая и утверждая всех в вере непоколебимей. Сего ради ти яко светильнику земли Черниговския возглашаем тако: Радуйся, преподобне Лаврентие, миру новый светильниче; Радуйся, пред Богом наш новый молитвенниче. Радуйся, сосуде златый, от чрева матери Богом избранный; Радуйся, и Богородицею прославленный. Радуйся, служителю Христов преизрядный; Радуйся, яко во иереех Тому послуживый. Радуйся, яко о имени твоём бесы падоша; Радуйся, яко имя твое Ангелы на небеси прославиша. Радуйся, преподобне отче наш Лаврентие, скорый помощниче и молитвенниче к тебе притекающих.

## Кондак 9

Всякое слово и плоть довлеют к похвале твоей, отче Лаврентие: ты бо движимый Духом Святым, от юности и до конца дний твоих славил еси имя Всесвятаго Творца неба и земли, Его Пречистую Матерь и всех святых. И по смерти с ними водворился еси в райских чертозах, да и тамо со всеми святыми воспеваша Богу хвалебную песнь: Аллилуиа.

## Икос 9

Витию богоугодна в тебе показа Господь, яко многа чада духовныя к тебе идоша. Вернии же Богу да возвеселятся с тобою во второе пришествие Спасителя. Мы же с кротостию и смирением приемлем наставления твоя и, подражая твоему человеколюбию, с любовию воспеваем тебе: Радуйся, гусли духа сладкозвучныя; Радуйся, кимвале восклицания. Радуйся, цевнице боговещанная; Радуйся, Ангелов собеседнице. Радуйся, о Бозе живе наше подражание; Радуйся, яко наставления твоя с радостию приемлем. Радуйся, яко теми мuki вечныя избавляемся; Радуйся, поучение от Бога нам преподавал еси. Радуйся, преподобне отче наш Лаврентие, скорый помощнице и молитвеннице к тебе притекающих.

## Кондак 10

Хотя спасти душу свою, всю полноту добродетелей Евангельских в себе совокупил еси богоблаженне Лаврентие: апостольское проповедание, мученическое терпение, преподобных воздержание, нестяжание, смирение и нищету духовную. Тем же ныне на небеси, восхвالياюще Христа Бога, давшаго ти крепость, поминай нас, чтущих светлую память твою, и поющих Богу: Аллилуиа.

## Икос 10

Познал еси, богомудре отче Лаврентие, разум Божественных Писаний, непрестанно подвизаяся в молитвах, и почерпнул еси воду живую, юже и нам преподавал еси; сего ради вопиим ти сице: Радуйся, яко жаждущих от источника Святыя Троицы напаяеши; Радуйся, теми же водами души исцеляеши. Радуйся, вместо пищи водами словес твоих нас и ныне утешаеши; Радуйся, пламенем словес твоих терние грехов наших попяляеши. Радуйся, яко словеса твоя паче меда сладчайша; Радуйся, яко сладостию словес твоих скорбящим радость даруеши. Радуйся, яко прореченныя тобою словеса и ныне исполняются; Радуйся, яко в них мы славу твою уразумеваем. Радуйся, преподобне отче наш Лаврентие, скорый помощнице и молитвеннице к тебе притекающих.

## Кондак 11

Множество чудес совершил еси, отче Лаврентие: бесы изгнал и прокаженные исцелил еси, падшим духовно руку помощи твоея простерл еси. Посети и нас в бедах сущих, да умиленное пение тебе приносяще, вопием дивному во святых Своих Богу: Аллилуиа.

## Икос 11

Светильник света Божественнаго, ты прозорливо провидя грехи наша, гнев Божий, праведно на ны движимый, предрекл еси. Мы же молим тя, отче Лаврентие, яко имуща дерзновение пред Господем: испроси нам

недостойным милость у Бога, да яко молитвенника тепла, убожаем тя, зовуще: Радуйся, пророком последовавый и им же уподобивыйся; Радуйся, пророчествами твоими мир наполнивый. Радуйся, яко многим напутствие давый; Радуйся, будущая в их жизни, предсказавый. Радуйся, яко монастырь по предсказанию твоему устроился; Радуйся, словесных овец пастырю. Радуйся, гнева Божия на грешники возвестителю; Радуйся, покаяния проповедниче и грешников исправителю. Радуйся, преподобне отче наш Лаврентие, скорый помощниче и молитвенниче к тебе притекающих.

### Кондак 12

Благодать велию восхоте подати тебе Господь Вседержитель, прослави тя в житии твоём, дар прозрения дарова тебе и множеством чудес обогати. Научи и нас воспевати с тобою благодарственную песнь Богу: Аллилуиа.

### Икос 12

Поём тя, угодниче Христов Лаврентие, яко низу пребывая на земли, удостоился еси возвыситься до высоты небесных и тамо возсияти духом, яко солнце, да посетиши нас с высот небесных воспевающих ти сицевая: Радуйся, светильниче лучезарный; Радуйся, свете, мрак бесовский разгоняющий. Радуйся, столпе огненный и камению непоколебимый; Радуйся, святителей любимый собеседниче. Радуйся, апостолов преизрядный ревнителю; Радуйся, мучеников и преподобных славо превознесенная. Радуйся, благоверных похвало усердная; Радуйся, чтущих память твою покрове и защищение. Радуйся, преподобне отче наш Лаврентие, скорый помощниче и молитвенниче к тебе притекающих.

### Кондак 13

О пречудный угодниче Божий, отче наш Лаврентие! Прими сие хвалебное пение, в похвалу тебе приносимое, и твоим богоприятным ходатайством избави нас от всех враг видимых и невидимых, от всякия напасти и скорби, от напрасныя смерти и будущия муки, да сподобимся с тобою и со всеми святыми воспевати Богу: Аллилуиа.

*(Этот кондак читается трижды, затем икос 1 и кондак 1)*

### Молитва преподобному Лаврентию Черниговскому, чудотворцу

О всехвальный отче Лаврентие, прими сие малое моление, от нас грешных тебе приносимое, и призри милостивно с высот небесных на нас, просящих твоего ходатайства у Престола Пресвятыя Троицы, да подаст твоими молитвами мир и благоденствие стране нашей, пастырем силу в молитве, иноком подкрепление на пути совершенства в подвизах смирения и послушания, вдовицам и сиротам заступление, немощным подкрепление,

недугующим духом и душою от бесов избавление, больным исцеление, путешествующим Ангела Хранителя. Всем чтущим с любовью память твою, веру искреннюю и непоколебимую. И по преставлении в жизнь вечную приведи нас ко Христу твоими молитвами, да с тобою прославляем Святую Троицу: Отца и Сына и Святаго Духа, всегда, ныне и присно, и во веки веков. Аминь.

**Тропарь преподобному Лаврентию Черниговскому, чудотворцу**

**Тропарь, глас 4**

От юности Христа возлюбил еси, и Тому тесным путем последуя, сосуд избран Духа Святаго быв, дар чудотворения и прозрения восприм: сего ради в невечернем свете Пресвятыя Троицы присно радуяся, поминай чад твоих, Лаврентие преподобне, отче наш.

**Ин тропарь, глас 8**

Днесь светло красуется град Чернигов, и торжествует обитель Пресвятыя Троицы, в ней бо молитвою и постом пребывая, иночествующим и верным людям велий наставниче и скорый помощниче, и избранник пречудный Царицы Небесныя явился еси, яко звезда лучезарная в стране Российстей, преподобне отче наш Лаврентие, моли Человеколюбца Бога спасти души наша.

**Кондак, глас 4**

Мир оставив, чистоту ангельскую стяжав и миру любвию послужив, отче наш Лаврентие, помощь благодатную с верою приходящим обильно являя: темже и в премирная селения достойно вселився, телом нетленным с нами пребываеши, утверждая нас в православной вере отцев наших, душою светозарною Подателю мира молишися даровати нам мир и велию милость.

**Ин кондак, глас 4**

Возсиял еси, яко светильник лучезарный услыша глас Царицы Небесныя, и последовав невозвратно зову Ея. Пришел в обитель Пресвятыя Троицы, идеже Владычицы Богородицы чудотворная икона, целомудренно собрав стадо словесных овец. Не забуди и нас, последовавших ти, и да избавит Господь геенны вечныя, совершающих святую память твою, преподобне отче наш Лаврентие.